

Ilinniartitaanermut Aqutsisoqarfik takorluuisinnaalluartumik ineriartortitsinermillu siunnerfeqartumik Ilinniusiorfimmu aqutsisussarsiorpoq / suleqatigiinnut aqutsisussarsiorpoq

Ilinniartitaanermut Aqutsisoqarfik takorluuisinnaalluartumik, ineriartortitsinermik siunnerfeqartumik tunniusimasumillu Ilinniusiorfimmu aqutsisussarsiorpoq/suleqatigiinnut aqutsisussarsiorpoq. Atorfik Perorsaanneru Ineriartortitsinermillu Immikkoortortaqarfimmu atavoo pisortallu ataani inissisimalluni. Ilinniusiorfimmi ulluinnarni aqutsisutut akisussaaffigissavat, meeqqat atuarfiannut atuartitsinermi atortussianik ineriartortitsinerit, suliarinninnerit siammarterinerillu pitsaasuunissaat qulakkiissallugit. Tamatuma saniatigut ineriartortitsinermi pingaarutilimmi siuttuussaait, tassani digitalikkut periarfissat nutaat, suleqatigiinnerit nukittuut kiisalu Ilinniusiorfiup nutaamik periusissiaa piviusunngortinneqassallutik. Sulineq tamanna Ilinniartitaanermut aqutsisoqarfimmi avataanilu suleqatit qanimut suleqatiginerisigut ingerlanneqassaaq.

Ilinniusiorfik pillugu

Ilinniusiorfik, annerusumik kalaallisut oqaatsit atorlugit meeqqat atuarfiannut pingaarnerpaamik saqqummersitsisuugami, meeqqat atuarfianni atuartitsinermut tunngavissaq pitsaasoq pilersinniarlugu aammalu ilinniartitaanermu aaqqissuussap tamarmiusup ineriartortinneqarneranut tapertaalluarpoq. Ukiuni makkunani Ilinniusiorfik pingaarutilimmik ineriartortitsinermik allannguiffiulersumillu ingerlatsivoq, ilaatigut ukuninnga ukkatarinnilluni:

- Ilinniusiorfiup nutaamik periusissiaanik ineriartortitsineq atuutilersitsinerlu.
- Atuartitsinermu atortussiat ilaannik nukittorsaaneq, soorlu oqaluttuarisaanermi, matematikkimi kiisalu kalaallisut atuartitsissummi.
- Ilinniarnermu atortussanik digitaliusunik ineriartortitsineq.
- Suleqatigiinnermi periutsinik suleriaatsinillu nutaanik ineriartortitsineq.

Taamaattumik aqutsisumik, ilinniusiornermi allanngoriartortumi, ineriartortitsinermik ingerlatsinissamik siunnerfilersuisinnaanissamillu piumassuseqartumik misilittagalimmillu ujartuivugut.

Atorfiffissaq: 1. november 2026 imaluunniit isumaqatigiissuteqarnikkut.

Suliassatit

Ilinniusiorfimmi aqutsisutut/suleqatigiinnut aqutsisutut ilaatigut makku suliassarissavatit:

- Atuartitsinermu atortussiornermi, allanngortiterinermi nutarterinermilu naqitanngorlugit digitalinngorlugillu saqqummersinneqarneri, aaqqissuinerit ataqatigiissaarinerit tulleriaarinerillu aqutsisuuffigissallugit.
- Ilinniusiorfiup periusissiaanik anguniagaanillu ineriartortitsineq, atuutilersitsineq malinnaaviginninnerlu.
- Ilinniusiorfiup Ilinniartitaanermu Aqutsisoqarfimmi immikkoortortaqarfiit allat suleqatigalugit pitsaasumik suleqatigiinnerata qulakkeenera.
- Sulisunik ulluinnarni aqutsineq kiisalu sulisut fagikkut ineriartortinnerannut tapersersuineq.
- Saqqummersitat fagikkut pitsaalluinnarnissaat kiisalu inatsisit atuuttut aamma atuakkiortnermi pisinnaatitaaffiit aalajangersakkat malinneqarnissaat qulakkiissallugu.
- Ilinniartitaanermu tunngasuni politikkikkut allaffissornikkullu sullissinermu peqataaneq.
- Ineriartortitsinermi suliniutinik akimuisunik assigiinngisitaartunillu suliffeqarfiup iluani avataanillu suleqatigisat peqatigalugit aqutsineq peqataanerlu.
- Suleriaatsinik ineriartortitsinermu pitsanngorsaanneru peqataaneq, ilanngullugit

digitaliusuni suleriaatsit atortullu.

Illit kinaavit

Naatsorsuutigivarput illit:

- Ilisimatusarnikkut imaluunniit perorsaanikkut tulluurtumik ilinniagaqarsimasutit.
- Aqutsisutut misilittagaqartutit imaluunniit aqutsisutut inissisimanissamut pitsaasunik tunngavissaqartutit. Aqutsisunut ilinniarsimaneq iluaqutaassaaq, piumasaqaataanngilarli.
- Atuartitsinermut tunngasuni misilittagaqartutit aammalu pitsaanagerusumik ilinniutinut atortussanik ineriartortitsinermik imaluunniit suliarinninnermik ilisimasaqartutit.
- Kalaallit Nunaanni inuiaqatigiinnut, oqaatsinut atuarfeqarfimmullu ilisimasaqarlututit.
- Suliniutinik aqutsinermik misilittagaqartutit kiisalu digitaliusunik atortunillu IT-mut tunngasuni sungiussimasutit.
- Perorsaanermut, atuartitsinermut, ilinniarnermut teknologinut ilinniutillu atortuinut tunngasuni nutaarsiassanik ilisimasaqartutit.
- Periusissanik suliaqarsinnaasutit kiisalu ulluinnarni ingerlatsinermi siuariartitsisinnaasutit.
- Aqqissuussaasumik, akisussaassuseqartumik angusaqarnissamillu siunnerfeqartumik suleriuseqartutit.
- Siammaallaqqillutit suleqatiginnillaqqissutuullu.
- Pitsaassutsimut, inatsisitigut pissutsinut allaffissornikkullu suleriaatsinut eqqummaarissusutit.
- Ataqaatigiissaarillaqqissasutit suliaassanilu pisariusuni tamakkiisumik takunnissinnaasutit.
- Politikkikkut aqutseriaaseqarfiusumi sulisinnaallutit aammalu sinaakkutit suleriaatsillu tassani ilaasut paasilluarlugit.

Ilinniartitaanermut Aqutsisoqarfik pillugu:

Ilinniartitaanermut Aqutsisoqarfik suliffeqarfiuvoq politikkikkut ingerlatsiveqarfiusoq, naalakkersuisoqarfimmik politikkerinillu sullissisoq kiisalu inerisaanermik saqqummersitsinernillu suliaqartoq. Suliffeqarfiuvugut assigiinngitsorpassuarnik suliaqarfiulluta, aqutsinerit atuutereersut saniatigut ilaatigut aamma saqqummersitsiveqarluta, naqteriveqarluta paasititsiniaanermik atorniartarfimmillu katersugaateqarfeqarluta. Aqutsisoqarfiup meeqqat atuarfiat, efterskolit friskolit, GUX, Attat aamma NUIKI annerusumik sammisarpai. Suleqatigiit 50-it missaaniippugut, suliffeqarfimmi pingaartorsiorpallaanngitsumi suliat pitsaasuunissaannik pingaartitsisuulluta.

Akissarsiat atorfeqarnermilu atukkat:

Atorfik akissarsiatigut aalajangersimasumik inissiivigineqareerpoq. Atorfinitsitsineq isumaqatigiissutit naapertorlugit pissaaq Namminersorlutik Oqartussat atorfillillu kattuffiat IMAK akornanni isumaqatigiissutit malillugit. Qinnuteqartoq Namminersorlutik Oqartussani tjenestemanditut sulereersimappat, tjenestemanditut atorfinitsinneqarsinnaavoq.

Ineqarneq:

Atorfimmut tunngatillugu inissaqartitsisoqanngilaq. Qinnuteqaateqartorli maannamut atorfigisimasaminut tunngatillugu Namminersorlutik Oqartussanit ineqartinneqareersimappat, atorfeqarnermi inissaqartitaanera atuutiinnassaaq. Atorfeqarnermi inigisaq atorfimmut pituttorsimavoq, atorfeqarnerullu naanerani qimanneqassalluni.

Qinnuteqarneq attaveqarnerlu:

Allanngueqataanissamut piareersimavit? Taava qinnuteqaatit, CV allallu ilanngullugit linki qinnuteqarfissap naqqani allassimasoq aqqutigalugu nassiunneqassaaq.

Qinnuteqarfissaq kingulleq: 17. september 2026.

Atorfik pillugu apequtissaqaruit immikkoortortami pisortaagallartoq Mette Larsen

Lyberth, toqq. tlf. (+299) 346278 mell@nanoq.gl imaluunniit pisortaq Kaali Olsen, toqq. tlf.

(+299) 346158 kaol@nanoq.gl attaveqafigikkat.

Kalaallit Nunaat Namminersorlutillu Oqartussat pillugit annertunerusumik
paasisaqarusukkuut uani taakkua pillugit atuagaqarsinnaavutit Naalakkersuisuts
hjemmeside - under job.

Malugiuk:

Qinnuteqaatit pappiaranngorlugit mail-ikkulluunniit tiguneq ajorpagut, qinnuigaatsigit
qinnuteqaatit elektroniskiusumik atorfiit inuttassarsiuunneqartut atorlugit nassiutissagit.